

# PROTOKOL O SARADNJI

u okviru projekta

## „Besplatne sterilizacije i kastracije napuštenih pasa i drugih pasa u Tuzlanskom kantonu“

Zaključen dana 20.02.2017. godine

Između:

**Fondacije tuzlanske zajednice** ( u daljem tekstu FTZ)  
Zastupano po JAŠAREVIĆ JASNI, izvršnoj direktorici FTZ  
Adresa Pozorišna broj 13, Tuzla

i

**Općina Srebrenik**  
Zastupano po načelniku OMEROVIĆ NIHADU  
Adresa Varoških polja bb

### 1. Svrha

Ovim protokolom se utvrđuju prava i obaveze između potpisnika FTZ i Općine Srebrenik, radi pružanja podrške u provođenju akcije sterilizacije/kastracije pasa na području općine Srebrenik.

U cilju trajnog i humanog rješavanja problema pasa lotalica FTZ i Općina Srebrenik saglasni su da podrže aktivnosti vezane za sterilizaciju/kastraciju pasa, koje će se obavljati na human način i u skladu sa Zakonom o zaštiti i dobrobiti životinja BiH, kao i drugim lokalnim zakonima i EU standardima.

FTZ će u saradnji sa Fondacijom Dogs Trust, a u cilju sveobuhvatnog, sistemskog i trajnog rješenja problema pasa lotalica, pružiti tehničku i finansijsku podršku kako bi se, u okviru programa masovne sterilizacije/kastracije uličnih pasa na području TK kastriralo, odnosno steriliziralo oko 80% populacije napuštenih pasa. Metoda „uhvati, steriliši, vakciniši, označi i vrati“, koja će biti korištena tokom programa, je u skladu sa Zakonom o zaštiti i dobrobiti životinja BiH.

Sporazumne strane su saglasne da projekat otpočne sa realizacijom 03. aprila 2017. godine i da u ovom obimu traje do 31. jula 2017. godine, sa mogućnošću produženja i nastavka saradnje, posebno za proširenje akcije besplatnih sterilizacija/kastracija na vlasničke pse.

### 2. Odgovornosti i nadležnosti

FTZ će kroz partnerstvo i podršku od strane Fondacije Dogs Trust iz Velike Britanije, odnosno njegovog predstavništva u Sarajevu:

- osigurati tehničku, savjetodavnu i finansijsku podršku za veterinarske usluge sterilizacije/ kastracije pasa, kao i prateće usluge (mikročipovanje, čišćenje od parazita, vakcinacija protiv bjesnila, mikročipiranje i stavljanje ušne markice i aplikaciju ušne tetovaže, te unošenje podataka u bazu podataka sterilisanih pasa Fondacije Dogs Trust);

- *razviti i finansirati informativnu i medijsku kampanju za promociju Programa*
- *u svojim objavama za javnost FTZ će promovirati Općinu Srebrenik u svjetlu otvorenosti za saradnju u kampanji besplatne kastracije i sterilizacije pasa lualica, a kasnije i vlasničkih pasa;*
- *sarađivati sa sekretarima/predstavnicima mjesnih zajednica u identificiranju lokacija ključnih za kampanje masovnih sterilizacija pasa lualica, te kasnije i u informiranju i edukaciji vlasnika pasa;*
- *nakon završetka kampanje, Općini Srebrenik osigurati izvještaje o sterilisanim psima na teritoriji općine, što uključuje i podatke o psima koji su unešeni u elektronsku bazu podataka Dogs Trust-a.*

**Općina Srebrenik će:**

- *poslati pismeni nalog sekretarima/predstavnicima mjesnih zajednica za dostupnost i otvorenost u saradnji sa FTZ na ovom projektu;*
- *obezbjediti spisak mjesnih zajednica sa imenima i kontakt telefonom sekretara/predstavnika mjesnih zajednica;*
- *pružati informacije u vezi žarišnih zona pasa lualica;*
- *osigurati dio slobodnog prostora za oglašavanje kampanje na oglasnim mjestima u općini, mjesnim zajednicama, biltenima, te web stranici Općine Srebrenik, TV i radio stanicama s kojima Općina Srebrenik ima posebne ugovore;*
- *Pružiti i i ostale korisne informacije u vezi ovog projekta koji će se provoditi u skladu sa Zakonom o zaštiti i dobrobiti životinja BiH.*

Strane potpisnice protokola o saradnji zadržavaju pravo jednostranog raskida istog u slučaju kršenja odredbi Zakona o zaštiti i dobrobiti životinja BiH, s tim da su dužne najkasnije 7 (sedam) dana ranije, pismenim putem, obavijestiti drugu stranu o razlozima raskidanja istog.


Protokol o saradnji je sačinjen u 2 (dva) istovjetna primjerka, od kojih svaka strana zadržava po 1 (jedan) primjerak.

**FONDACIJA TUZLANSKE ZAJEDNICE**

  
 Lana Jasarević  
 izvršna direktorica

20. 2. 2017.

68/17

  
 Omerović Nihad, načelnik

**OPĆINA SREBRENİK**

Bosna i Hercegovina  
 Federacija Bosne i Hercegovine  
 TUZLANSKI KANTON  
 Općina Srebrenik  
 načelnik  
 Broj: 07-240/17  
 Datum: 20.02.2017. god.

Srebrenik, 20.02.2017. godine